










2010 йил — Баркамол авлод йили

КЕЛАЖАК БУГУНДАН БОШЛанади

Мамлакатимизда ёш авлодни юксак маънавият, соғлом ва теран тафаккур соҳиби этиб тарбиялаш масалаларига жиддий эътибор қаратилмоқда.

Бу борада қабул қилинган «Таълим тўғрисида»ги Қонун, Кадрлар тайёрлаш миллий дастури, Мактаб таълимини ривожлантириш давлат умуммиллий дастури жаҳон андозаларига жавоб берадиган ўқув муассасаларини барпо этиш, уларни замонавий ўқув-услубий анжомлар, компьютер техникаси билан жиҳозлаш, таълим сифатини янги босқичга кўтариш имконини бермоқда.



Ёшларимизни билимли, изланувчан, ҳар томонлама етук шахслар қилиб тарбиялаш, ўз устида ишлашни, излашни ўргатиш, онг ва тафаккурини янада шакллантириш ўқитувчилар зиммасидаги энг масъулиятли вазибалардан биридир. — дейди 243-мактаб директори Насиба Нишоновна. — Баркамол авлод онги ва қалбига юртга муҳаббат, миллий истиқлол гоғларига садоқат, маънавий ва маданий меросимизга, урф-одатларимизга ҳурмат ҳиссини синдириш таълим соҳасидаги ислохотларнинг бош максадларидан бўлиб, бу борада ўқув масканимиз жамоаси ҳам муайян ишларни амалга оширмоқда. Дарҳақиқат, 2415 нафар ўқувчи тахсил олаётган ушбу ўқув даргоҳи таълим-тарбия ишларининг узвий боғлиқлиги билан ҳам ахамиятлидир. 1973 йилда

кад ростлаган мазкур ўқув маскани 2007 йилда капитал таъмирдан чиқарилиб, бутунлай янгича қиёфа кашф этди. Мактабда ўқувчилар маънавиятини янада юксалтириш ва етук инсонлар қилиб тарбиялаш борасида қатор маънавий-маърифий йўналишдаги тадбирлар, давра суҳбатлари, ижодий учрашувларнинг ўтказилиши, уларнинг онг ва шуурининг янада теранлашувида муҳим аҳамият касб этади. Ўқувчиларнинг саломатлигини мустаҳкамлаш йўлида спортнинг футбол, баскетбол, миллий кураш, таэквондо, шахмат-шашка каби турлари бўйича мунтазам равишда шуғулланаётган

ўсмирларнинг кўпчилиги туман ва шаҳар миқёсида ўтказилаётган мусобақаларда совринли ўринларни қўлга киритаётганлигини алоҳида таъкидлаш жоиздир. Мактабда тасвирий санъат, меҳнат, бисер тўқиш, хор, муסיқа, рақс ва турли фанларни чуқур ўзлаштиришга ихтисослаштирилган кўплаб тўғаракларнинг ўқувчиларнинг бўш вақтини унумли ва мазмунли ўтказиш, уларни иқтидорига қараб йўналтириш борасидаги самараси катта бўлмоқда. Гулчехра ДУРДИЕВА СУРАТЛАРДА: мактаб ҳаётидан лавҳалар. Қозим Ўлмасов олган сураглар

Йил танлови — 2009

ЭТИРОФ ЭТИЛГАН МАХСУЛОТ ВА ХИЗМАТЛАР

Куни кеча истеъмолчилар томонидан эътироф этилган ишлаб чиқарувчиларнинг сифатли ва рақобатбардош маҳсулотлари ҳамда хизмат кўрсатиш турлари бўйича гоғлибларни тақдирлаш маросими бўлиб ўтди.

Анъанавий тарзда тўққизинчи бор ўтказилаётган мазкур тадбир мамлакатимиз ишлаб чиқарувчилари халқаро нуфузли доиралардаги кўрик-танловларда қатнашиш учун кенг имкониятлар яратилганлигидан ёрқин далоятдир. Йил танлови ўтган йил давомида юртимизда деярли барча вилоятларни қамраб олган ҳолда, истеъмолчилар орасида маркетинг тадқиқотлар, интернет тизимида махсус сайтда сўровномалар ўтказиш орқали амалга оширилди. Ушбу тадбир ташиқлотчиси «Альтернатива ижтимоий ва маркетинг тадқиқотлар агентлиги» бўлса, ижтимоий-маркетинг тадқиқотлар Европа фонди, ЕЕССИТ (Брюссель) ҳамда Европа маркетинг тадқиқотлар маркази (ЕМРК) унинг ташаббускори ва расмий қўллаб-қувватловчиларидир.

Ҳамюртларимиз томонидан эътироф этилган импорт ўринли босувчи сифатли маҳсулот ишлаб чиқарувчилар: «Тошкент ёғ-мой комбинати» қўшма корхонасининг «Менинг орзум» савдо белгиси остидаги пахта ёғи; «Дворянское» савдо белгисига эга юмшоқ ёғ; «ААА GROUP» масъулият чекланган жамиятининг паррандачилик маҳсулотлари, «Интерсоп» қўшма корхонасининг табиий шарбатлари; «Сингапур—Самарқанд хори-

жий корхонасининг қўллаб турдаги музқаймоқлари; аҳолига намунали табиий хизмат кўрсатувчи «Mercury service» компанияси нуфузли танлов гоғлиблари бўлиши.

— Халқаро танловда бир неча бор гоғлибларни қўлга киритган бўлишимизга қарамай, — дейди «Сингапур—Самарқанд» хорижий корхонаси бош директори ўринбосари Илхом Орзиқулов, — қалбимни фахр хисси чулғаб олган. Боиси жамоамизнинг меҳнати маҳсули бўлган маҳсулотларимиз бир неча йиллардан буён аҳолига махсус томонидан эътироф этилаётган. Корхонамиз цехларида замонавий хорижий технология линияларнинг юксак самараси малакали ишчи-хизматчиларга ҳақиқий мадақдор бўлмоқда. Асосий йилдан-йилга сифатга эътибор қаратган ҳолда ангидан-янги маҳсулотлар тайёрланиб, ички бозоримизда уларнинг харидорлигини таъминланмоқда. Яна шуни алоҳида таъкидлаш ўринлики, корхонамиз филиаллари кўпайиши баробарида янги иш ўринлари яратилмоқда.

Гоғлибларни тақдирлаш маросими барча қатнашчиларни янги муваффақиятлар сари ундайдиган ўзига хос омил бўлади, деган умиддамиз.

Муҳаббат ҲАБИБУЛЛАЕВА

Шеърият азал-азалдан маънавий тафаккурнинг маҳсули ўлароқ одамларни эзгулик тантанаси, гўзаллик ва жозиба сеҳрию қудратига ундаб келган.

Тадбирлар

МУШОИРА ЭТАДИ ДАВОМ

Тошкент банк ҳисоб-кредит коллежисизда «Мушоира этади давом» мавзусида шеърият кенаси анъанавий равишда ҳар йили ўтказиб келинади.

Унда ёш иқтидор эгалари ўзларининг шеърий машқларини ота-оналари, ўқитувчи-мураббийлари, тендошлари ҳужмига ҳавола этадилар. Навбатдаги шеърият кенасида ўқувчилар овоз ва обод юртимизни, унинг истиқлол йилларидаги қўруқ тароватини шеърий сатрларга жо этишга ҳаракат қилишди. Қизиқarli мушоира, фикр алмаштириш йўсинида ўтказилган кеча давомида иштирокчилар нафақат мустақиллик даврида янада мафтункорлик касб этган шеъриятимиз, балки мумтоз бадияятимиздан ҳам хабардор эканликларини намойиш этишди. Алишер Навоий, Мирзо Бобур, Машраб, Нодира ғазалларини ўқишиб, уларнинг умум-башарий моҳияти ҳақида фикр-мулоҳаза юритдилар.

Гулнора АДИЛОВА, Тошкент банк ҳисоб-кредит коллежи она тили ва адабиётни ўқитувчиси

ТИЖОРAT ХАБАРЛАРИ ВА ЭЪЛОНЛАР / ТИЖОРAT ХАБАРЛАРИ ВА ЭЪЛОНЛАР

«Республика Кўчас мўлк биржаси» ЕАЖ бошлангич баҳоси ошиб бориш тартибида ўтказилаётган очик аукцион савдосига тақдир этилди. 1. Аукцион савдосига Юнусобод тумани СИБ томонидан, туман суд бўлимида сақланаётган, «BA3-21074-110-30» русумли, д/р 10ВН306 бўлган, 2008 йилда и/ч автотранспорт воситаси қўйилмоқда (ижро ҳужжати 15.09.2009й, №16298/7). Бошлангич баҳоси — 11 950 000 сўм.

МАДАНИЯТ ВА СПОРТ ИШЛАРИ ВАЗИРЛИГИ 16 январдан африкалик меймонлар ранг-баранг дастури. Томошалар шанба кунлари соат 15.00 да, яшанбада соат 12.00 ва 15.00 да бошланади. Касса: Тел: 244-35-91, 244-35-94, 244-32-23. www.sitk.uz

МУАССИС: ТОШКЕНТ ШАХАР ҲОКИМЛИГИ Бош муҳаррир Акмал АҚРОМОВ Манзилимиз: 100029, Тошкент шаҳри, Матбуотчилар кўчаси, 32

ТЕЛЕФОНЛАР: Эълонлар: 233-28-95, 236-57-65. факс: (371) 232-11-39. Дўшанба, сешанба, chorshanba, пайшанба ва жума кунлари чиқади. Нашр кўрсаткичи — 563 ISSN 2010-9229

Газета Тошкент шаҳар Матбуот ва ахборот бошқармасида 02-1-рақам билан рўйхатта олинган. Ҳажами — 2 босма табоқ, офсет усулида босилди. 4215 нусхадда босилди. Қўғоз бичими А-2

Нашрни етказиб бериш масалалари бўйича турар жойлардаги почта бўлиmlарига ёки «Тошкент почтамтига» — 233-74-05 телефонига мурожаат қилишимиз мумкин. Газета «Тошкент оқшоми»нинг компьютер марказида терилди ва сақланган. «Шарк» ношрият-матбаа акциядорлик компанияси босмаохонаси. Корхона манзили: Буюк Турон кўчаси, 41-уй.

ОЗ-ОЗ ўрганиб домо билур

МАШРИҚЗАМИН — ҲИКМАТ БЎСТОНИ ҚОНУНИ БОСИТИЙ Бешинчи машраб (фасл) — ҳақиқий чанқаш, сохта чанқаш, сув ичиш йўли ва бошқа шунга тааллуқли нарсалар баёнида

Билмоқ кераки, табиблар жамоати наздида ўзаро бир фикрга мувофиқ атариш содик, яъни чин ташналик шуки, бадан ва аъзолар рутубат (намлик) ка ҳожати бўлади. Чунончи, бадандан тарқаш билан йўқ бўлган суоқликнинг ўрнини босади. Ёки баданда пайдо бўлган қуруқлик ва хароратни йўқ қилиш учун ёки ейилган таомни ҳазмга қобил қилиш даражасида суолтириш учун ичиш талаби бўлса буни чин ташналик дейдилар. Бундан ортиқчасини атариш қозиб, яъни ёлгон чанқаш дейдилар. Табиблар жамоати деб шунинг учун айтилдики, ёлгон ташналикдан баъзи қисми баъзи табибларнинг назарида чин ташналик жумласидан ҳисоб қилинади. Чунончи, буни қуйида баён қиламиз.

«Давоми ҳасан» Махмуд ХАСАНИЙ тайёрлаган